



Broj: 05.3/1-04-31246/5/26
Sarajevo, 06.07.2026. godine

SKUPŠTINA KANTONA SARAJEVO
n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Adna Mesihović

Zastupnica Adna Mesihović na 31. radnoj sjednici Skupštine Kantona Sarajevo, održanoj dana 17.06.2026. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje, kako slijedi:

*„Kakvo je stanje po pitanju ispravnosti/tokničnosti ocjednih voda na Deponiji Smiljevići?“
„Koliko stanje tokničnosti ocjedne vode koja se izljeva sa deponije utiče na zdravlje stanovništva koje žive u tom području?“*

ODGOVOR:


Na lokaciji deponije 2007. godine izgrađeno je postrojenje za tretman procjednih voda zasnovano na tehnologiji biološko-mehaničkog tretmana sa membranskom filtracijom putem C-MEM modula. Postrojenje je projektovano za prihvrat i tretman procjednih voda duboke i plitke drenaže, kao i voda iz kolektora Lepeničkog potoka. U slučaju većih dotoka, procjedne vode su se putem sistema recirkulacije vraćale na tijelo deponije, odnosno preko sigurnosnog preliiva ispuštale u recipijent. Elaboratom o postojećem postrojenju konstatovano je da sa postojećim zapreminama bazena nije moguće postići adekvatno uklanjanje azota iz procjednih voda, dok bez dodatnih fizičko-hemijskih procesa nije moguće postići uklanjanje rastvorenih materija, teških metala i obojenja vode. Također su evidentirani značajni problemi u radu i održavanju C-MEM modula, uključujući održavanje vakumskog režima rada, hemijsko čišćenje membrana i operativnu složenost sistema, što je u konačnici dovelo do njihove demontaže i prekida funkcionalnog rada postrojenja. Pored problema u radu postojećeg postrojenja, rezultati elaborata i provedenih monitoringa ukazuju i na potrebu sistemskog rješavanja pitanja zbrinjavanja procjednih voda na lokaciji deponije, uključujući razdvajanje čistih i procjednih voda, unapređenje sistema drenaže i odvodnje, regulaciju postojećih vodotoka, kao i smanjenje infiltracije oborinskih voda u tijelo deponije.

Imajući u vidu postojeće stanje sistema, nedostatke u radu postojećeg postrojenja, izrazito opterećenje procjednih voda i značajan uticaj na vodno tijelo, Ministarstvo je pokrenulo aktivnosti na izradi dokumenta - „Studija za zbrinjavanje procjednih voda deponije „Smiljevići” sa idejnim rješenjem kojom će se dati detaljna analiza postojećeg sistema procjednih voda, procijeniti mogućnosti sanacije i/ili rekonstrukcije postojećeg postrojenja, analizirati rješenja za zbrinjavanje procjednih voda, te odabrati tehničko-tehnološko i ekonomsko idejno rješenje za zbrinjavanje procjednih voda deponije „Smiljevići“.

U prilogu dostavljamo i zadnji mjesečni izvještaj okolinskog monitoringa na lokaciji deponije „Smiljevići” od strane KJKP „Rad” d.o.o. Sarajevo u kojem su sadržani izvještaji laboratorije Smiljevići o monitoringu procjednih, podzemnih, površinskih voda, kvaliteta i kvantiteta otpadnih/euflenata i količinama otpada odloženog na deponiji „Smiljevići”.

Vezano za drugo pitanje, obavještavamo vas da je isto u nadležnosti Ministarstva zdravstva Kantona Sarajevo.

S poštovanjem,



Prilog: Mjesečni izvještaj okolinskog monitoringa

Dostaviti:

- Naslov
- Stručna služba Vlade Kantona Sarajevo
- Služba za skupštinske poslove + CD
- Evidencija (2X)
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba